



1420

1143

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/02-05-15502-52/19
Sarajevo, 16. 05. 2019. godine

SKUPŠTINA KANTONA SARAJEVO
n/r Elmedin Konaković, predsjedavajući Skupštine Kantona Sarajevo
-ovdje-

PREDMET: *Odgovor na zastupničku inicijativu- dostavlja se*

Poštovani,

Zastupnik u Skupštini Kantona Sarajevo **Zvonko Marić** na Sedmoj radnoj sjednici Skupštine Kantona Sarajevo održanoj dana 17.04.2019. godine u okviru tačke dnevnog reda „Poslanička/zastupnička pitanja, inicijative i odgovori“, pokrenuo je zastupničku inicijativu „**da Vlada KS na osnovu člana 93. stav (7) i člana 94. stav (6) Zakona o osnovnom odgoji i obrazovanju Kantona Sarajevo (Službene novine 23/17) pokrene proceduru razrješenja školskog odbora JU OŠ „Umihana Čuvidina“ zbog postupanja suprotno aktima Ministarstva za obrazovanje, nauku i mlade KS i to akta broj 11/04-34-34-34142-1/16 od 23.01.2017. godine**“.

Odgovor

U vezi sa Inicijativom uvaženog zastupnika Zvonka Marića imamo potrebu informisati Vas da je Ministarstvo za obrazovanje, nauku i mlade aktom broj 11/04-34-34142-2/19 od 29.03.2019. godine od Kantonalne uprave za inspeksijske poslove, Inspektorata rada, zaštite na radu i socijalne zaštite tražilo da izvrši inspeksijski nadzor po prigovoru o nezakonitim radnjama školskog odbora vezano za imenovanje direktora i pomoćnika direktora u Javnoj ustanovi Osnovna škola „Umihana Čuvidina“ Sarajevo.

U prilogu dostavljamo Vam obavijest Kantonalne uprave za inspeksijske poslove broj: UP-1-14-09-34-02537/19 od 09.04.2019. godine, a koja se odnosi na gore navedeni zahtjev Ministarstva.

S poštovanjem,

Dostaviti:

1. Naslovu;
2. a/a.



MINISTRICA

Mr. Zvonko Rogunić



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



16.4.2019.
Z Bogunić 4280

Fedinić

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: UP-1-14-09-34-02537/19
Sarajevo, April 09. 2019.godine

15-04-2019
11:04 34 795-1

Ministarstvo za obrazovanje, nauku i mlade Kantona Sarajevo
ul. Reisa Džemaludina Čauševića 1
Sarajevo
(Na pažnju ministrice Mr. Zinete Bogunić)

PREDMET: Obavijest, dostavlja se;

VEZA: Vaš akt broj 11/04-34-34142-2/19 od 29.03.2019.godine

Vežano za Vaš akt broj i datum veze obaviještavamo Vas o slijedećem:

Kantonalna uprava za inspekcijske poslove, Inspektorat rada, zaštite na radu i socijalne zaštite je dana 23.01.2019.godine od strane Ministarstva za obrazovanje, nauku i mlade Kantona Sarajevo zaprimila akt broj 11-05-1457 od 21.01.2019.godine kojim se traži postupanje po Prigovoru o nezakonitim radnjama školskog odbora vezano za imenovanje direktora i pomoćnika direktora u JU Osnovna škola "Umihana Čuvidina" Sarajevo, a također je dana 04.02.2019. godine od osobe Sabahete Kerović zaprimila Molbu za hitno postupanje i zaštitu zakonitosti koja se odnosi na proceduru imenovanja direktora i pomoćnika direktora u JU Osnovna škola "Umihana Čuvidina" Sarajevo. Naknadno je dana 11.02.2019.godine od strane Ministarstva za obrazovanje, nauku i mlade Kantona Sarajevo zaprimljen akt broj 11/04-34-795/19 od 04.02.2019.godine kojim se traži hitan inspekcijski nadzor u JU Osnovna škola "Umihana Čuvidina" Sarajevo na okolnosti navoda iz Prigovora na odluku o izboru kandidata za imenovanje direktora JU Osnovna škola "Umihana Čuvidina" i pomoćnika direktora koji je podnijela osoba Sabaheta Kerović.

Inspektor rada je dana 07.02.2019.godine izvršio inspekcijski nadzor na okolnosti navoda iz podnesenih predstavi, a koji se odnose na proceduru izbora direktora i imenovanja



web: <http://kuip.ks.gov.ba>, mail: kuip@kuip.ks.gov.ba
Tel: + 387 (0) 33 770-100 (centrala)
+ 387 (0) 33 569-870 (direktor)
Fax: + 387 (0) 33 770-151, + 387 (0) 33 569-890
Sarajevo, Aleja Bosne Srebrene bb

pomoćnika direktora u JU Osnovna škola "Umihana Čuvidina" Sarajevo, kojom prilikom je utvrđeno slijedeće:

Odlukom školskog odbora od 11.05.2018.godine poništen je javni konkurs za imenovanje direktora/direktorice škole na period od četiri godine koji je objavljen dana 20.02.2018.godine u dnevnom listu "Oslobođenje".

Aktima Školskog odbora JU Osnovna škola "Umihana Čuvidina" Sarajevo od 11.05.2018.godine donesena je Odluka o objavljivanju javnog konkursa za imenovanje direktora škole i donesena je Odluka o imenovanju Komisije za provođenje procedure koja prethodi proceduri imenovanja direktora škole.

Poništenje konkursa za imenovanje direktora/direktorice škole na period od četiri godine objavljenog dana 20.02.2018.godine i objava novog Konkursa za imenovanje direktora škole su objavljeni dana 19.05.2018.godine u dnevnim novinama "Oslobođenje", kao i na službenoj stranici MONKS-a, a u skladu sa članom 4. stav 1. Pravilnika o izboru, imenovanju i razrješenju direktora osnovnih škola Kantona Sarajevo ("Službene novine Kantona Sarajevo", broj 2/18) u daljnjem tekstu: Pravilnik. Konkursni rok od 15 dana je u skladu sa članom 4. stav 2. Pravilnika i isti sadrži sve elemente iz člana 4. stav 3. Pravilnika.

Na gore navedeni konkurs se prijavilo ukupno 3 kandidata čije su prijave uzete u razmatranje, i to: Dželović Šefik, Kazazić Amela i Kerović Sabaheta.

Komisija za provođenje procedure koja prethodi proceduri imenovanja direktora škole je dana 08.06.2018.godine prijave kandidata dostavila Ministarstvu za obrazovanje, nauku i mlade Kantona Sarajevo, Općini Novi Grad Sarajevo, Sindikalnoj podružnici Samostalnog sindikata osnovnog obrazovanja i odgoja FBiH - Kantonalni odbor Kantona Sarajevo i Vijeću roditelja JU Osnovna škola "Umihana Čuvidina" Sarajevo.

Vijeće roditelja JU Osnovna škola "Umihana Čuvidina" Sarajevo je dana 13.06.2018.godine na izbornoj sjednici vijeća roditelja dodijelilo glasove kandidatima za direktora škole. S obzirom da u prvom krugu glasanja nijedan od kandidata nije dobio natpolovičnu većinu, pristupilo se drugom krugu glasanja, te je u drugom krugu natpolovičnu većinu glasova dobila kandidatkinja Kazazić Amela. Dana 13.06.2018.godine istovremeno su i radnici škole glasali za direktora škole u skladu sa članom 5. i 6. Pravilnika i natpolovičnom većinom glasova isti su dali povjerenje kandidatkinji Kazazić Ameli. Općina Novi Grad je aktom od 13.06.2018.godine školi dostavila pisani prijedlog za imenovanje kandidata Dželović Šefika za direktora škole.

Nakon završetka konkursne procedure škola se obratila Ministarstvu za obrazovanje, nauku i mlade Kantona Sarajevo vezano za dobivanje povratne informacije koja se odnosi na izbor direktora škole - stav ministarstva, ali tu informaciju škola nije dobila do dana 13.09.2018.godine. Budući da je period imenovanja v.d. direktora škole mr. sc. Aziza Mulahmetovića koji je izabran na 6 mjeseci do okončanja konkursne procedure isticao 13.09.2018.godine, Školski odbor je dana 13.09.2018.godine Ministarstvu za obrazovanje, nauku i mlade Kantona Sarajevo uputio urgenciju vezano za povratnu informaciju koja se odnosi na izbor direktora škole - stav ministarstva.

Dana 17.09.2018.godine održana je Sjednica školskog odbora gdje je tema dnevnog reda između ostalog bila imenovanje v.d. direktora škole i imenovanja pomoćnika v.d. direktora škole. Kao kandidati za v.d. direktora škole predloženi su mr. sc. Aziz Mulahmetović i Sabina Voloder. Školski odbor je za navedene kandidate glasao u omjeru 2:2 i nijedan od kandidata nije dobio natpolovičnu većinu glasova. Kako nije imenovan v.d. direktor škole, nije se



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

raspravljalo o v.d. pomoćniku direktora škole. Škola ponovo dana 17.09.2018.godine šalje urgeniciju resornom ministarstvu vezano za povratnu informaciju koja se odnosi na izbor direktora škole po konkursu - stav ministarstva.

Dok se čekala instrukcija nadležnog ministarstva vezano za glasanje po konkursu za izbor direktora škole, ministarstvo je aktom od dana 17.09.2018.godine donijelo Odluku o davanju ovlaštenja Azizu Mulahmetoviću za obavljanje poslova direktora JU Osnovna škola "Umihana Čuvidina" Sarajevo koje ne može biti duže od šest mjeseci od dana dostavljanja Odluke, a navedenu Odluku škola je zaprimila 20.09.2018.godine.

Ministarstvo za obrazovanje, nauku i mlade Kantona Sarajevo dana 22.10.2018.godine sačinjava instrukciju pri glasanju u Školskom odboru JU Osnovna škola "Umihana Čuvidina" Sarajevo za izbor i imenovanje direktora škole kojom daje saglasnost da predstavnik Ministarstva u Školskom odboru prilikom izbora direktora škole glasa za kandidatkinju Kazazić Amelu, a škola navedenu instrukciju zaprima tek dana 17.12.2018.godine.

Školski odbor je dana 19.12.2018.godine donio Odluku da se za direktora JU Osnovna škola "Umihana Čuvidina" Sarajevo na mandatni period od četiri godine izabere Kazazić Amela i ista Odluka je poslata Vladi Kantona Sarajevo na davanje saglasnosti.

Vlada Kantona Sarajevo je 20.12.2018.godine donijela Odluku o davanju saglasnosti za imenovanje direktorice JU Osnovna škola "Umihana Čuvidina" Sarajevo kojom se daje saglasnost Školskom odboru JU Osnovna škola "Umihana Čuvidina" Sarajevo da se Kazazić Amela imenuje za direktoricu škole, a ista Odluka je zaprimljena u školi dana 27.12.2018.godine.

Školski odbor JU Osnovna škola "Umihana Čuvidina" Sarajevo je na 15. sjednici Školskog odbora održanoj dana 09.01.2019.godine donio Odluku o razrješenju direktora po ovlaštenju Aziza Mulahmetovića sa danom razrješenja 09.01.2019.godine i Odluku o razrješenju pomoćnika direktora JU Osnovna škola "Umihana Čuvidina" Sarajevo. Također je Školski odbor dana 09.01.2019.godine donio jednoglasnu Odluku o imenovanju direktorice JU Osnovna škola "Umihana Čuvidina" Sarajevo kojom se za direktoricu škole na period od 4 /četiri/ godine imenuje Kazazić Amela. U tački III. Odluke je navedeno da ista stupa na snagu danom donošenja.

Školski odbor je dana 09.01.2019.godine sačinio Obavijest o izboru Kazazić Amele za direktoricu škole JU Osnovna škola "Umihana Čuvidina" Sarajevo, te je navedenu obavijest poslao poštom učesnicima u konkursu Dželović Šefiku i Kerović Sabaheti dana 15.01.2019.godine.

S obzirom da je odluka o izboru direktora JU Osnovna škola "Umihana Čuvidina" Sarajevo konačna i imajući u vidu da inspektor rada nema nadležnost poništavati odluke Školskog odbora, podnositeljici je u pogledu ostvarivanja njenih prava odgovoreno da daljnju zaštitu može tražiti isključivo putem nadležnog suda.

Na okolnosti vezane za proceduru imenovanja pomoćnika direktora JU Osnovna škola "Umihana Čuvidina" Sarajevo utvrđeno je slijedeće:

Direktorica škole je 09.01.2019.godine Školskom odboru škole podnijela Prijedlog za imenovanje pomoćnika direktorice škole mr. sc. Aziza Mulahmetovića, a Školski odbor je uvažio prijedlog direktorice škole, te je aktom od 09.01.2019.godine donio Odluku o imenovanju pomoćnika direktorice JU Osnovna škola "Umihana Čuvidina" Sarajevo sa tri glasa "ZA", niti jednim "PROTIV" i jednim "SUZDRŽANIM" kojom se za pomoćnika direktorice na mandatni period od četiri godine imenuje mr. sc. Aziz Mulahmetović. U tački III. Odluke je navedeno da ista stupa na snagu danom donošenja.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Na okolnosti navoda iz podnesene predstavke da je prekršena procedura imenovanja pomoćnika direktora propisana članom 86. Pravila JU Osnovna škola "Umihana Čuvidina" jer u skladu sa stavom 2. navedenog člana Pravila pomoćnika direktora imenuje školski odbor na prijedlog direktora nakon provedene procedure koja prvo podrazumijeva interno oglašavanje u školi utvrđeno je da Pravila škole usvojena 23.04.2015.godine uz saglasnost resornog ministarstva od 30.04.2015.godine. članom 86. ne reguliraju izbor i imenovanje pomoćnika direktora. Također je utvrđeno da je Školski odbor na Sjednici od 09.03.2018.godine donio Pravila JU Osnovna škola "Umihana Čuvidina" Sarajevo koja članom 86. stav 2. propisuju interno oglašavanje u školi radi imenovanja pomoćnika direktora, odnosno voditelja dijela nastavnog procesa, te da je od strane škole dana 19.04.2018.godine od Ministarstva za obrazovanje, nauku i mlade Kantona Sarajevo zatražena saglasnost za nova Pravila škole, ali do dana inspeksijskog nadzora ista saglasnost školi nije dostavljena. Resorno ministarstvo je aktom od 24.09.2018.godine dostavilo školi obavijest da je zaprimljeno više upita vezano za davanje saglasnosti za pravila osnovnih škola, te da će škole biti obaviještene na koji način će se izvršiti potrebne korekcije u smislu izmjene i dopune teksta, kao i da se resorno ministarstvo opredijelilo da izradi draft pravila koja će u odgovarajućem formatu biti dostavljena svim ustanovama sa uputom o postupanju.

S obzirom da je članom 101. stav 3. Zakona o osnovnom odgoju i obrazovanju Kantona Sarajevo ("Službene novine Kantona Sarajevo", broj 23/17) određeno da pomoćnika direktora, odnosno voditelja dijela nastavnog procesa imenuje i razrješava Školski odbor na prijedlog direktora, utvrđeno je da je JU Osnovna škola "Umihana Čuvidina" Sarajevo u konkretnom slučaju imenovanja pomoćnika direktora postupila u skladu sa navedenom odredbom Zakona.

Vezano za navode iz podnesene predstavke koji se odnose na uskraćivanje prava na žalbu utvrđeno je da Odluka o imenovanju pomoćnika direktora ne sadrži pouku o pravnom lijeku, ali je također utvrđeno da "lex specialisom" nije određeno koji je drugostepeni organ za žalbe jer Odluku u prvom stepenu donosi školski odbor koji je inače drugostepeni organ u školi. U kontekstu gore navedenog, podnositeljici je odgovoreno da inspektor rada nema mogućnosti djelovanja, ali da zainteresovana strana u predmetu svakako može zakonitost takve odluke pokušavati osporiti pred nadležnim sudom.

Na kraju posebno želimo naglasiti da je podnositeljici Sabaheti Kerović blagovremeno poslata obavijest o izvršenom inspeksijskom nadzoru, te da Ministarstvo za obrazovanje, nauku i mlade Kantona Sarajevo svojim aktima koji su gore navedeni nije tražilo da mu se dostavi Izvještaj o inspeksijskom nadzoru.

S poštovanjem,

Dostavlja se:

1. Naslovu
2. a/a


DIREKTOR
Fahir Halilović




web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb